

海國輿地釋名卷二

湘鄉陳士芑翼謀甫纂



釋歐洲各國第三

俄羅斯

一作義羅斯 一作鄂羅斯 一作厄羅斯 一作阿羅斯 一作鄂爾斯 一作鄂羅索

一作鄂勒素

一作阿路索

一作葛勒斯

一作鞞洛絲

一作縛羅答

一作俄羅定

一名邏車

一名羅沙

一名羅叉

一名羅刹

一名路臣

一名喀啞

一名薩爾馬西亞

一名沒壽啡

元曰幹羅思曰幹魯思曰兀魯思

案諸書有稱額利西北叻思者皆涉希臘而誤額利西北叻

思即希臘之轉音也

緯線自赤道北三十六度起至七十八度止經線自京師偏

東七十四度起至偏西九十四度止跨亞歐兩洲之北境拱

北冰海如玦環在歐洲之地與瑞那德意志奧斯馬加羅馬

海國輿地釋名

卷二

一

尼亞蒲加利亞為界在亞洲之地由西而南與土耳其波斯

阿富汗包基發布哈爾二部及我之喀什噶爾伊犁科布多

烏梁海札薩克三音諾顏土謝圖車臣呼倫貝爾為界東境

抵太平洋池南接我之黑龍江甯古塔瑋春伯都訥及朝鮮

南北距六千四百里東西距二萬三千二百里綜計為方里

者二千四百五十萬約占全球二十五分之一陸地六分之

一歐洲置部四西曰波羅的海西北曰白海南曰黑海東南

曰裏海亞洲置部三西曰高加索東北曰西伯里亞南曰中

亞細亞凡為省者九十有六古時為土番稱薩爾馬西亞國

屬於匈奴其始源流不可攷或謂即漢之北丁零堅昆奄蔡

或謂即康居大宛大月氏烏孫或謂即條支

大誤

或謂即北魏

之烏洛侯唐之黠嘎斯骨利幹近人援据西史謂爲吐蕃之遺裔雖不爲無見然亦莫能定也唐懿宗咸通三年有酋長祿利哥者肇造邦土傳子亞力取基輔即諾弗哥羅都之屢發兵擊東羅馬國蹙強宋太宗端拱初王烏拉的米耳分國爲十二分封諸子由是互相攻伐國日衰弱理宗嘉熙元年元太祖西征諸部皆降元立俄故王子爲王自是爲蒙古別部者百餘年元順帝至正十九年王狄米得里第二遷都於莫斯科始叛元盡逐蒙古人三十三年元師大至陷其都復降爲別部元衰乃稍稍復振明世宗嘉靖初王宜萬第四借瑞典兵逐蒙古恢復故疆神宗萬曆時國內復大亂時波蘭方強日見侵削順治十一年西伯里亞戍兵始與中國構釁康熙

海國輿地釋名

卷二

二

二十八年比德羅立更定政令國俗爲之一變二十九年與中國勘定邊界通商於恰克圖立界碑於額爾古納河讓還中國之雅克薩地三十六年比德羅變姓名游荷蘭英吉利諸國習其工藝以歸建新都於波羅的海之芬蘭灣口即名曰比

德羅堡

扼形勝之險益治水師戰艦戰勝攻取版宇日擴俄之

强大自此始乾隆閒俄人屢與土耳其構兵六十年俄與奧

斯馬加普魯斯共分波蘭地置波蘭部嘉慶十三年伐瑞典

取芬蘭

比德羅嘗取芬蘭既而歸之至是乃屬俄

十七年法王拿破崙來攻陷其

都城復陷莫斯科會天寒法兵斃者大半俄人縱兵擊之法

兵大敗拿破崙遁歸咸豐三年俄興兵謀滅土耳其英吉利

連各國兵援之俄與各國兵戰不勝乃議和四年英法奧普

土耳其及俄人盟於巴黎法都城各反侵地禁俄艦不得駛入

黑海後俄竟背約九年俄人平高加索諸番擴地至黑龍江明年

與英法美入寇旋定黑龍江之約自烏蘇里河口至興凱湖又踰湖順琿春河至圖們

江口其東岸皆屬俄於是吉林黑龍江兩省地東濱海之地盡為俄有又益闢西伯里亞邊界

擊浩罕基發皆役屬之同治三年與中國勘分西北界地割

去特穆爾圖湖及雅爾肇豐兩城光緒四年并吞西域諸回

部六年與中國立約定統轄中亞細亞之制七年讓還中國

伊犁割去地五百餘里九年與中國定科布多之約盡得宰

桑淖爾四周地十三年創建西伯里亞鐵道自比德羅堡經

西伯里亞達黑龍江越烏蘇里河以通琿春海參歲長約萬

四千餘里近已告成且經營及於東三省甲午中東之役俄

海國輿地釋名 卷二

代中國索還遼東報以旅順及大連灣兩海口東事自此益

岌岌矣

都城曰比德羅堡一作彼得羅堡 一作俾德羅堡 一作森比德堡 一作比特格 一作比特革

一作桑比德爾斯布爾厄 一作三皮提里普爾斯科 一作三柯忒撒忒爾 一作散博德爾布魯克 一作散丕特里普爾 一作散丕透斯杯格 一作丕葉忒

爾布爾噶 一作必特爾土木爾 一作披得爾布爾 一作散備德伯

建於芬蘭灣東岸即尼瓦河入海處

英吉利一作英圭黎 一作英機黎 一作盾吃黎 一作厄利 一作印各力 一名比利敦 一名白里登 一名伯理敦 一名伯利丹 一名不列顛 一名蒲利丹 一名漢又利亞 一名貌利太泥亞 一名被列地 一名卑勒敦 名北勒打尼亞

緯線自赤道北五十度四分起至五十八度三十分止經線

自京師偏西一百十五度二十分起至一百二十七度三十
分止地本三島孤懸大西洋海中東二島相連北曰蘇格蘭
南曰英倫南北距千七百餘里東西距廣處六百餘里狹或
四五百里不等爲方里者七十四萬五千均羣小島西一島曰阿
爾蘭南北距八百七十里東西距五百餘里爲方里者二十
七萬二千九百有奇其國舊曰比列敦本高盧別種漢宣帝
五鳳三年羅馬略地西北渡海取英倫旋棄之東漢建武中
羅馬復以舟師取英倫建倫敦城置爲別部至東晉孝武太
元時羅馬衰弱比列敦人始自立爲國宋文帝元嘉二十六
年北海南岸有一族曰薩索尼逐比列敦人與其族曰入的
曰英吉利者分據其地互相攻伐歷二百餘年至唐寶曆太

海國輿地釋名

卷二

四

和聞合爲一國號曰英倫懿宗咸通八年丹馬人來攻宋眞
宗大中祥符六年丹馬人入倫敦逐英倫王據其地明年國
人復迎立故英倫王於法蘭西天禧元年丹馬王子復來爲
英倫王仁宗慶曆二年薩索尼王子入英倫逐丹馬人復故
位英宗治平三年法蘭西之諾爾曼的部滅薩索尼稱英倫
諾曼朝傳一百一十二年嗣絕國人立其外戚顯理第二改
國號曰北藍大日奈孝宗乾道二年舉兵攻阿爾蘭取之傳
三百三十一年至明憲宗成化閒國西鄙有威爾斯人曰力
支門伯者起兵滅北藍大日奈自爲英倫王改國號曰都鐸
爾傳一百十八年嗣絕神宗萬曆三十一年國人迎立蘇格
蘭王熱迷斯蘇格蘭自唐文宗太和七年立國恆與英倫相

時及荷屬之盧森堡西北抵英倫窄海東南濱地中海西南
阻比里尼斯山東界意大利瑞士德意志西抵大西洋南北
距千七百里東西距千五百里綜計爲方里者百七十一萬
二千四百六十八其國古爲野番唐虞之際有印度別族由
葱嶺鹹海間轉徙至此號曰高盧周定王時侵羅馬并其北
部勢彊漢宣帝甘露三年羅馬命其大將該撒征取高盧
爲屬部法郎格人者曰耳曼民族也起兵來征高盧地逐羅
馬戍兵宋武帝永初元年遂據高盧自立爲法蘭西王梁武
帝天監八年始定都於巴黎唐德宗之世有王曰夏力門一作沙立明一作甲里曼一作甲利秦甫者征服日耳曼諸部搜伐四鄰威名甚著
羅馬教皇爲加冕尊曰西帝傳數世羣藩擁土自強不受王

海國輿地釋名

卷二

六

命國遂衰亂宋理宗時王魯易嗣立勤修國政國號中興明
季王魯易十四智勇兼人簡賢任能遇事綜覈名實不少寬
假收巴力門權歸之政府巴力門者若今之議院十字軍初

興

說見後

朝廷集羣臣教徒議方略始有是稱久之其權彊重

至是乃裁抑之然自此貴族益驕橫專務壓制齊民民怨遂
甚乾隆五十四年亂作揭竿起者數百萬人號改革兵弑其
王魯易十六然改革兵故烏合無賴自相殘殺於是英吉利
俄羅斯普魯士奧斯馬加意大利西班牙葡萄牙及日耳曼
列邦約從起兵平法亂屢戰未能得志改革兵礮卒拿破崙
者善用兵數立奇功旋掌兵爲大將與諸國兵戰皆破走之
嘉慶四年眾推拿破崙爲大首領九年眾尊拿破崙爲皇帝

於是君權又復拿破崙遂東降奧斯馬加普魯士西踣葡萄牙南取意大利及非洲之埃及當是時歐洲各國英俄外無敢抗法者十九年拿破崙大舉伐俄羅斯奧普皆率兵以從俄人堅壁清野勿與戰拿破崙益自矜懸軍深入會天寒糧絕俄出精兵要擊之法兵大潰拿破崙跳而免二十年奧普叛法與英俄瑞典合兵攻法入巴黎執拿破崙放之於埃爾白島在地中海明年拿破崙自島逃歸復故位時各國之師尙在維也納奧都方議各復法侵地聞之大驚急聯兵分道攻法師號百萬拿破崙率大軍遇於比利時之瓦得路血戰三晝夜法兵敗績拿破崙詣英軍乞降英人放之於三厄里那島在西洋道光初病死拿破崙既敗君民爭權無甯日道光二十八年國

海國輿地釋名

卷二

七

人廢君位推拿破崙第三爲大首領監國事咸豐二年拿破崙第三復稱皇帝同治九年西班牙國新喪王議迎立普魯士王族拿破崙第三貽書阻之普王不聽拿破崙第三舉兵攻普三戰三北退入師丹城在法屬亞爾德內斯部普合兵圍之拿破崙第三出降普師遂入巴黎法人請成割亞撒西二部以講償兵費銀二百餘兆法人自是定制爲民主國更分國爲八

十七部

都城曰巴黎

一作巴黎斯 一作巴里 一作把理斯 一作拍力斯 一作帕爾勒士 一作巴利

隸塞納部建於塞納河上

德意志

原分二國曰日耳曼日普魯士今分釋之一名獨逸

日耳曼

一作阿勒曼 一作阿理曼 一作亞里曼 一作阿里曼 一作亞利曼 一作查曼 一名耶馬尼

一名雅爾馬尼亞 一名亞勒馬尼亞 一名熱爾瑪尼亞 一名熱爾麻尼 一名者爾麻尼 一名占曼尼

一名亞墨尼 一名亞勒墨尼亞 一名鴉沙爾

案海國圖志謂海錄之亞里隔即日耳曼又謂即職方外紀之熱孛亞皆謬甚

普魯士

一作普魯斯 一作普魯社 一作普魯篤 一作破魯斯 一作波魯斯 一作布魯斯 一作布魯斯

魯司 一作布路斯 一作蒲魯士 一作埔魯寫 一作破魯西 一作不魯西亞 一作部魯西亞 一作波

路斯 一作波路西亞 一作布路沙 一作布留士 一作亭漏生 一作亭露 一名亞爾彌亞 一名比阿

爾彌亞 一名馬西噶比 一名鄂底亞 一名帶輦 一名單鷹國

緯線自赤道北四十七度三十分起至五十六度二十分止

經線自京師偏西九十二度起至百有九度止北抵波羅的

海西北界丹馬及北海南界奧斯馬加及瑞士東界俄屬之

海國輿地釋名 卷二

波蘭地西界荷蘭比利時及法蘭西南北距千六百餘里東

西距三千五百餘里綜計為方里者百四十一萬四千六百

三十舊分日耳曼普魯士二國日耳曼者古本北狄部落羅

馬盛時征服之未入版圖唐德宗貞元間為法蘭西王夏力

門所取受役屬者幾百年武宗會昌間法人復立魯乙為日

耳曼王魯乙卒國分為五昭宗龍紀元年五國復合為日耳

曼國後周太祖廣順間王亞妥弟一善用兵國斃強伐意大

利取之自是日耳曼世世兼王意大利至宋度宗咸淳間意

大利始叛而自立 國朝康熙時各部皆據地自王而奧地

利亞普魯士迭相雄長普魯士者其地古時為北狄所據南

宋時日耳曼人攻取之建為別部後為波蘭所并明神宗萬

歷中日耳曼之巴耶丁堡部人復取其地立國日耳曼王嘉其恭順屢益以地康熙三十九年其王佛得力第一有兵二萬四千始自立國傳子佛得力第二修政講武擴地益廣嘉慶十一年法王拿破崙來攻失地無算幾不能國及拿破崙敗乃復故地二十年各國會議於維也納以奧普本日耳曼所分而荷蘭丹馬與日耳曼牙錯乃合四國於日耳曼列國稱同盟四十國推奧爲盟長咸豐十年普王威廉第一立用畢士麻克爲首相兼掌外部以毛奇爲大將軍定軍制修器械勁兵精礮稱天下第一同治三年普與奧合兵攻丹馬克之丹人獻石勒蘇益克及荷兒斯丁二地普奧分取之五年普復大舉攻奧意大利起兵助之日耳曼列國皆率兵從奧

海國輿地釋名

卷二

九

發兵二十萬迎戰遇於幾亭夾易北河而陣普人奮擊殊死戰奧師大敗普追北深入進逼奧都奧人大恐浼法人居間行成償兵費銀三千萬讓普爲盟主於是漢諾威黑辛拿搔早堡等邦及奧屬之荷兒斯丁皆屬於普而撒遜亦請稱藩爲屬國九年普與法交惡法人來攻普人禦之大敗法人進兵圍其都城法人納款請和乃罷兵留兵戍之而去

銀償楚乃撒法戍

是時南北日耳曼二十五邦皆奉普王教令乃共

至近年法兵費

推威廉第一爲皇帝稱德意志合眾國德皇旣成一統之業思爲世世子孫計長久乃盡削列國之權凡列國練兵籌饗用人諸大政皆德廷遣人經理之諸王衣租食俸具位而已惟巴威里亞尙能與鄰邦通聘使設官養兵德廷亦頗許其

自主云

都城曰柏林一作柏靈 一作百靈 一作伯靈 一作伯林 一作百爾靈 一作木爾林 一作百凌 一作比耳令

一作比耳令

隸巴郎丁堡建於士波利河上

奧斯馬加

一名奧地利亞 一名奧地亞 一名奧地亞 一名奧地亞 一名奧地亞

地剛 一名奧地亞里加 一名阿士得釐亞 一名阿士氏

拉 一名歐塞特里阿 一名歐色特里 一名埃地利

國 一名莫爾大未亞 一名民年申 一名東國 一名雙鷹

緯線自赤道北四十二度起至五十一度止經線自京師偏西九十度起至百有七度止北界俄羅斯及德意志南界羅馬尼亞及塞爾維亞西南抵亞得亞窄海東界俄屬之波蘭地西界德屬之巴威里亞國及瑞士意大利南北距二千三

海國輿地釋名

卷二

十

百餘里東西距三千五百餘里綜計為方里者百五十九萬有八百四十其國古時為勒西亞諸力加巴訥尼亞等部羅馬嘗征服之旋為北狄所據唐德宗時屬法蘭西為別部元初有酋曰羅爾德福者攻取奧地稱東王兼王日耳曼諸部明惠帝建文中王阿爾麥與匈牙利女主為夫婦合為一國由是奧國蹙強大武宗正德間國內亂時西班牙王查理第五有賢譽國人迎立之伐法蘭西虜其王世宗嘉靖四年略取波希米地查理第五卒其弟立興兵攻意大利圍羅馬城幾陷康熙三十九年日耳曼諸部爭自立奧始不兼王日耳曼嘉慶間拿破崙霸歐洲脅奧王去帝號稱屬藩拿破崙敗奧復稱帝且為日耳曼列國盟主及普魯士與奧乃不得與

盟會遂略定匈牙利地為屬部匈牙利雖久附於奧然亦叛服靡常至是奧始收入版圖
改國號曰奧斯馬加分國為十四部

都城曰維也納一作危阿納 一作維恩納 一作偉恩 一名威音 一名味隱 一名溫

隸上奧地利亞部北臨多腦河

意大利

一作意大利里亞 一作意達里亞 一作意大利亞 一作義大利 一作伊達里 一作伊

達利 一作以他里 一作以他利 一作宜大里牙 一作以大利 一名達輦

緯線自赤道北三十六度四十分起至四十六度五十分止
經線自京師偏西九十六度四十分起至百有八度二十分
止北枕亞爾卑斯大山東北界奧斯馬加西北界法蘭西池
南斜伸入地中海海水三面環之自西北至東南相距約二
千餘里東西距北境約千里南境廣處不過四百里綜計為

海國輿地釋名 卷二

十一

方里者百有五萬四千八百增西治里島 劉宋以前為羅馬古國

蒼梧王元徽四年日耳曼別酋阿道塞滅西羅馬據其地稱
意大利王旋為北狄鞏特所奪梁元帝承聖三年東羅馬帝
遣兵逐鞏特意大利無主者數年敬帝紹泰元年國人始立
主攝國事陳宣帝太建二年意大利北境新建倫巴多國時
南侵攝王地唐元宗天寶間倫巴多人廢攝王於是教皇遂
入據羅馬肅宗至德初法蘭西盡取攝王地蓋教皇代宗大
曆八年法王夏力門助教皇擊滅倫巴多而以其子王意大
利意遂屬於法宋太祖建隆三年日耳曼以兵取意大利建
為別部由是教皇時與日耳曼爭權神宗熙甯間意大利分
為三北境仍屬日耳曼中土屬羅馬而南境別立為西治里

國西治里者本意大利屬島後爲回族所據法人討平之遂合拿破里地立爲國徽宗崇甯閒倫巴多又自立爲民主國然日耳曼兼意大利王號如故度宗咸淳四年教皇忌日耳曼有意地乃割西治里國餽法蘭西法王遣其弟沙爾來爲西治里王日耳曼王以兵來爭法人擊殺之而沙爾亦旋爲西治里人所逐自是意大利不屬日耳曼元成宗大德閒西班牙人彼德據西治里島遷都於拿破里稱拿破里王明孝宗弘治十四年西班牙逐拿破里王并其地先是法蘭西屢爭倫巴多之米蘭至是復與西班牙爭地康熙五十三年法西兩國所得意大利地盡折入於奧地利亞嘉慶初法王拿破崙收取意大利地立爲民主國拿破崙遙領之十九年復

海國輿地釋名

卷二

三

爲列國在北境者曰撒丁曰倫巴多曰威尼斯曰巴馬在中境者曰多爾加納曰摩德納曰羅馬在南境者曰拿破里西治里島屬焉道光二十八年奧地利亞侵取威尼斯倫巴多且以兵力役屬北境諸國咸豐九年撒丁王起兵連法蘭西攻奧大敗奧人復倫巴多法奧旋議和旣而中境各國皆逐其主羅馬亦逐教皇應撒丁撒丁將曰夏利巴的者自非洲歸入拿破里降其王於是意大利全境皆歸撒丁十一年撒王遂稱意大利王同治五年起兵助普攻奧無功然普竟以威尼斯歸之九年普法戰事起法人召回駐羅馬兵教皇執孤求援於普不應意王乃盡奪教皇地進據羅馬都焉分國爲十五部六十九郡

兵入英倫英王出奔威廉第三遂兼王英倫二十九年法人
攻荷蘭之南部搆兵六年終議和自後國內承平者數十年
嘉慶初法王拿破崙滅之疆圉其地及拿破崙敗始復國先
是荷蘭分南北二部至是合為一道光十一年南部復叛而
自立英法奧普實擁護之荷蘭不能爭自是國稍弱然其屬
地在東方者尚有六百餘萬方里逾於本國幾五十倍云

都城曰亞摩斯德耳登

一作亞摩斯德爾登 一作俺莫士 特爾坦 一作俺斯特坦 一作愛

姆斯得但 一作阿姆斯脫蛋 一作含斯得談 一作
昂斯透丹 一作安特堤 一作安得堤 一作唵士特

一艘 一作安斯得且

隸北荷蘭部建臨河濱

比利時

一作比利時 一作北義 一作比利
一作比勒治 一作記利時 一作白利真 一作別力西

海國輿地釋名

卷二

古

作北利諸恆 一作比爾百略 一作北爾日加 一名密
爾閏 一名彌爾尼壬 一名惟理儀 一名盈蘭尼士
一名盈蘭備是

緯線自赤道北四十九度三十分起至五十一度二十分止
經線自京師偏西百有九度三十分起至百十三度止北界
荷蘭西北抵北海東界德意志西與南皆界法蘭西南北距
五百里東西距六百五十里綜計為方里者七萬七千九百
六十其地古為荷蘭南部稱發蘭德蕭齊時荷蘭改屬日耳
曼發蘭德獨不叛法明時荷蘭酋長不爾良合諸部自立為
國始附於荷蘭然數與荷蘭相仇殺荷蘭與西班牙搆兵發
蘭德復助西班牙尋西班牙以其地讓於奧斯馬加自是屬
奧者七十餘年嘉慶初拿破崙兼并諸國地復沒入於法十

九年諸國會議於維也納以其地歸荷蘭然發蘭德故與荷
為世仇風俗教宗亦與荷異屢思自立道光十一年起兵叛
荷蘭迎日耳曼之薩克斯各堡額達侯留波爾德為王荷人
興兵討之不能克而法蘭西復以兵援發蘭德大敗荷人十
九年英法奧普說兩國戢兵修好聽南部得自立乃改國號
曰比利時分置九部

都城曰不魯舍拉斯

一作不魯捨拉斯 一作伯魯色爾

一作蒲魯碎勒 一作北律悉

一作

北律悉 一作布略塞 一作勃魯悉耳 一作伯呂色勒

隸南巴拉班的部

瑞士

一作瑞子 一作綏沙蘭

一作蘇益薩 一作稅茲

一作賽士蘭 一作賽士蘭

一作束色楞 一作束色楞

海國輿地釋名

卷二

五

一作雪未亞 一名黑爾查

一作賽薩林穆斯奇 一名王頗輦

一名大爾馬齊亞

緯線自赤道北四十五度五十二分起至四十七度五十分
止經線自京師偏西百有六度三十分起至百有十度止北
界德意志南界意大利東界奧斯馬加西界法蘭西南北距
四百餘里東西距六百餘里綜計為方里者七萬五千二百
五十其地古屬羅馬後為北狄義特所據唐德宗時法蘭西
王夏力門征取之旋為日耳曼所奪其人故驍勇善戰日王
部署其人為親軍所向有功元成宗時日耳曼王亞爾伯勒
暴虐無道其臣卻勒多復專橫自恣以非法桎斃瑞士人於
是瑞士人約從起兵逐守吏日耳曼不能討仁宗延祐元年
日耳曼來伐瑞士與戰於摩爾伽甸大敗之遂自立國設其

和政府推舉鄉官治事明孝宗宏治十二年日耳曼復大舉來攻大敗而還是時瑞士聯盟者已有十三部勢甚張請於各國皆許其獨立乃定制爲民主之國嘉慶三年法首領拿破崙以兵攻滅之置部十九拿破崙敗各國盟於維也納各反侵地十九部外益以普魯士之日內巴拉及牛弗砂德爾二部奧斯馬加之瓦來斯部合爲二十二部其國處萬山之中惟北境地稍平曠餘三面皆危峯峻壑穹窿起伏表延約數千里自孰義的斯部西南有大山蜿蜒南走東繞烏黎部西繞翁德爾瓦里的部池西少南經伯爾尼部南境繞弗里堡抵申尼夫湖復越湖池而南行少東入意大利國又循意大利北境東行歷經瓦來斯德西怒給里孫諸部入奧斯馬

海國輿地釋名 卷二

夫

加界轉而西北行繞加拉里斯部又東北行經桑高祿亞奔塞爾二部入德意志界其西北一支自阿河西南行經巴勒梭律勒牛弗沙德爾瓦鳥的諸部入法蘭西界西人統名曰亞爾卑斯山亞爾卑斯者譯言長且大也瑞士旣以山爲國扼形勢之險擅山澤之利畫疆自守稱爲天塹諸強鄰虎視鸚顧撫兵環伺而無可如何古有不戰以屈人之兵者瑞士其識此意哉

都城曰伯爾尼 一作北耳尼 一作奔納 一名班

與首部同名在部西北境建臨河上

西班牙 一作是班牙 一作實班牙 一作意卑里亞 一作
一作日斯巴尼亞 一作肆班斯哥 一作西班牙 一作主德
一作以西把尼亞 一作義斯巴尼亞 一作宜斯巴尼亞
一作倚西把尼

亞一作義士把尼亞 一名大呂宋 一名干絲臘 一名干絲蚋 一名班由 一名昆斯番 一名宋仔 一名叻咩骨

緯線自赤道北三十六度起至四十三度四十分止經線自京師偏西百十四度二十分起至百二十六度四十分止東北阻比里尼斯山與法蘭西為界西北抵大西洋東與南環地中海西界葡萄牙西南一角臨大西洋南北距千五百餘里東西距二千四百五十里綜計為方里者百十五萬五千四百九十坤巴利亞里島部 其地古名意卑里亞五方雜處而以非尼西人為最多後加爾達額人據其地羅馬興兵取之建為西部羅馬衰北狄復來據之歷百餘年義特族逐北狄自立為王絕羅馬唐睿宗景雲二年國內亂阿刺伯乘閒來攻取

海國輿地釋名

卷二

七

為屬部自是為回部占據者三百餘年宋真宗咸平閒回族自相爭奪疆土分裂西班牙人乘機崛起建立拿瓦勒加斯的里亞拉岡等部仁宗景祐閒加斯的里亞拉岡二部最強諸部皆畏屬之回酋馬罕末德名與謨罕焉德音相近 以兵四十餘萬來伐無功而去明憲宗成化十五年加斯的里與亞拉岡合為一是為今西班牙建國之始孝宗宏治五年遣其臣哥倫波航海探新地得南美洲之哥倫比亞徙國人實之尋復略定墨西哥祕魯智利巴拉他諸部是時西班牙日強大以兵降荷蘭復攻取意大利之拿破里部穆宗隆慶五年復遣其臣米牙蘭來南洋奪葡萄牙之小呂宋島 國朝康熙以來屢與各國構兵國斃弱嘉慶十二年法王拿破崙廢西班

牙王加爾羅斯以其弟王之西班牙人不用命乞師於英逐拿破崙弟而立故王之子非難多厥後內亂相尋國政不修諸外藩皆次第叛同治七年國人逐其女主伊薩伯拉即非難多之改國制為民主收呂宋古巴入版圖分國為七登加落斯者前王從子謀自立與國人戰爭屢歲十三年國人復迎立伊薩伯拉之子阿耳分素於法規復舊制分國為四十七郡境內稍安近年古巴呂宋皆相繼叛西班牙征之不能定於是古巴別立為國而呂宋亦竟屬美利堅數百年所得海外屬地至是盡失今存者惟非洲西偏海中之加拿利羣島及加力比安海之波德黎各島而已

都城曰馬德里地一作瑪德里 一作馬德里 一作馬特
一作馬德力 一作麥得力 一作麻

海國輿地釋名 卷二

六

德勒一作麻得力得 一作莫珠爾勒得

與首部同名在部南境

葡萄牙一作葡萄牙亞 一作葡萄牙 一作葡萄牙庫耳 一作波爾
布路亞 一作布路牙 一作布路亞士 一作波爾
杜瓦爾一作伯爾都牙里 一作伯爾都加里 一作波
耳都欺一作博爾都噶 一作博爾都噶亞 一作博爾
都噶爾一作博爾托噶里牙 一作布杜基 一名盧西
達尼一名盧西達尼亞 一名魯西達尼阿 一名大西
洋國

緯線自赤道北三十七度起至四十一度十分止經線自京師偏西百二十三度四十分起至百二十六度五十分止東與北皆界西班牙西與南皆抵大西洋南北距八百五十里東西距六百餘里綜計為方里者二十六萬一千五百七十舊本西班牙西部西班牙既與其王亞豐蘇以斗羅米虐兩

河間地封其功侯顯理顯理卒其子亞豐蘇弟一繼之伐回
部累戰皆捷疆宇蹙擴宋高宗紹興九年遂自立國稱王十
八年取里斯玻亞城都之後乃盡逐回族奄有西境地與西
班牙並立明神宗萬曆八年國內亂西班牙王非力弟二來
襲陷其都遂兼爲葡萄牙王自是隸西牙者八十年崇正十
三年國人逐西班牙守者復自立與法蘭西立相助之約西
班牙屢來侵不能克時葡人與英吉利爲婚姻贈英以西印
度之孟買及非洲之但其爾斯地英常以兵擁護之康熙七
年與西班牙和始罷兵嘉慶初拿破崙來攻王約翰弟六懼
不敵棄國走巴西拿破崙敗復歸國留其子北德祿王巴西
尋卒北德祿遂兼王葡旣而國人有違言乃遣其幼女歸王
葡而自王巴西如故王有弟曰米加勒攝國政謀奪女主位
王聞之自巴西歸合英法兵攻米加勒逐走之國始定本國
分六部別部三

海國輿地釋名

卷三

九

案歐洲諸國自開闢至元時風氣未啟自相往來罕通他土
葡人精於天算用儀器測量日出入並星纏度數知水陸之
方向遠遊明初葡王遣人駕巨艦南行由非洲西境轉而東
歷非洲之東境抵西印度再東行至麻刺甲遂遍歷東南洋
諸島所至輒營建商埠是爲西人航海通商之始武宗正德
十二年葡人抵粵東之澳門一名濠鏡請地建屋歲納租銀
五百兩疆臣爲代請許之是爲西人通市中國之始

都城曰里斯玻亞

一作里斯波亞

斯奔

一作力士本

一作里斯博

一作里斯本

一作里斯

作力士門 一作立士本 一作預濟窩亞 一作勤門

瑞那 原分二國曰瑞典曰那威今分釋之

瑞典 一作瑞顛 一作瑞丁 一作瑞西亞 一作綏祿
一作綏頌 一作綏頓 一作綏亦占 一作蘇以天

雪際 一作蘇以添 一作蘇厄祭 一作蘇厄祭亞 一作
一名玻的亞 一名匪馬爾加 一名里都亞尼亞 一

名藍旗國

那威 一作那而威 一作挪威 一作瑤威 一作那耳瓦
一作挪耳瓦 一作那委阿 一作諾魯威 一作

諾魯威呀 一作諾爾勿惹 一作諾而勿惹亞 一作
那耳圍 一作那華 一作訥為 一作羅委 一名挽

案瑞典與瑞士音近又嘗與那威并於丹馬故諸書每多牽

涉淆混今為分訂著錄庶閱者不致迷誤

緯線自赤道北五十五度十分起至七十一度止經線自京

海國輿地釋名 卷二 三

師偏西九十二度十分起至百有五度四十分止 以瑞典都城至那威

極西境 北負冰海東北與俄羅斯接壤南境隔海與丹馬相

望東環波羅的海西抵大西洋自東北至西南相距二千五

百餘里東西距約二千里綜計為方里者二百萬有一千三

百九十國內有大山綿亘如脊東為瑞典西則那威故地也

那威自趙宋初立國數傳後并於丹馬嘉慶十九年英俄諸

國會議於維也納以瑞地之近丹者歸丹而以那威歸瑞典

古本野番後為峩特族所據宋太祖乾德間有酋曰厄里哥

者略定諸部始立為國明太祖洪武中丹馬人誘降瑞典遂

并為一國瑞將瓦撒者故王族也有雄才恥故國為臣僕隱

圖恢復世宗嘉靖二年起兵攻丹馬所向克捷遂收復全土

國朝康熙中王加爾祿斯喜用兵屢興師侵波蘭及丹馬四十年王攻波蘭下之俄羅斯以兵八萬來援敗歸王乘勝引兵入俄境謀取莫斯科軍迷失道俄人合大兵蹙之全軍盡覆王僅以身免明年俄人大舉來攻取瑞典之芬蘭既而歸之嘉慶十三年復割以奉俄嘉慶時國內亂王加爾祿斯第十三出奔英國人奉王養子伯拿多攝國政伯拿多故法將善治兵整軍經武瑞國大定國人遂奉伯拿多爲王更名加爾祿斯第十四時那威已來屬王遂兼王那威然那威新附屢思叛亂乃定合國之制改瑞典舊分四部爲二十四部那威舊分三部爲九部

都城曰斯德哥爾摩

一作式達哥爾摩

一作斯豆勾勒們

一作斯佗克荷穆

海國輿地釋名

卷二

三

母 一作土的哥盧 一作吉提亞那 一作士篤哈爾姆 一作斯篤和 一作斯托克洪 一作士篤訓 一作士突訓 一作斯振公 一作士篤恒 一作斯德賀倫

與首部同名西臨美拉湖東距波羅的海口僅五十餘里

丹馬

一作丹瑪 一作丹麻爾

一作丹馬喀 一作噠馬

一作丹墨 一作顛麥

一作丹麥 一作丁抹

領墨

一作吝因

一名大尼

一名大泥

一名大泥亞

一名堪尼

一名大馬爾齊

一名大爾馬齊亞

盈黎馬祿加

一名但國

一名黃旗國

緯線自赤道北五十五度二十分起至五十六度四十五分止經線自京師偏西百有三度四十分起至百有八度止合數島爲國北東西三面環海南境與德意志接壤南北距三百五十里東西距或三四百里或百餘里不等綜計爲方里者十萬一千八百三十

合五部算

古時爲土番後鞏特族據其地

合瑞典那威稱斯干的那瓦國其人多操舟爲海盜時出劫掠沿海諸國宋眞宗大中祥符閒其王曰瑞能者興兵攻英吉利克之遂兼爲英王王卒子加奴特嗣立以兵攻下瑞典那威分王諸子而已兼王丹英如故其後子孫稍弱各國皆叛而自立明太祖洪武初女主馬加爾達有才智內修外攘國復興以計降瑞典女主兼王之再傳而國又衰亂嘉慶九年法皇拿破崙以大兵來攻丹人與之和拿破崙令丹人以兵艦襲英敗歸十二年英引兵圍丹都城燔其外郭而去尋復與英構兵相持數載乃罷同治二年普奧合兵來攻割石勒蘇益克及荷兒斯丁二地以去國勢益衰今存地分爲五部外屬地二區曰愛士蘭曰格林蘭皆在北冰洋

海國輿地釋名

卷二

都城曰可品哈音

一作哥卑納給 一作哥本哈根 一作哥本海根 一作勾本哈根 一作果本

好根

一作哥本赫根 一作科噴海根 一作格本那

根 一作可本海經 一作可品哈陰 一作戈西哈

林 一作扣本杭 一作哥笨哈根

隸西蘭部東臨波羅的海

土耳其

一作土耳其噠 一作土耳其基亞 一作土爾其 一作都魯幾

一作都魯機 一作特爾濟 一作多爾其 一作都魯幾

格 一名阿多曼 一名疴多馬諾 一名杜爾格 一作度爾

記 一名控噶爾 一名控喀爾 一名恭喀爾 一名空

谷爾 一名空科爾 一名紅噶爾 一名洪豁爾 一名

紅孩兒 一名龔國 卽唐時之突厥

緯線自赤道北三十一度起至四十二度止經線自京師偏西九十九度起至九十四度止北抵黑海東北界俄羅斯之高加索部西北界蒲加利亞及塞爾維亞南抵地中海東南

界阿刺伯沙漠西南界希臘東界波斯西界門的尼哥南北
距歐洲地八百餘里亞洲地二千餘里東西距兩地共四千
六百里綜計爲方里者六百二千一萬四千五百二十其古
爲突厥事蹟具前史宋太祖建隆初西突厥遺種曰亞白特
真者南徙入波斯境據哈斯那立國日蹙強盛真宗咸平三
年攻波斯據有其地仁宗明道元年突厥別酋曰達魯伯克
者起兵撒馬兒罕襲波斯克之滅亞白特真族自立爲波斯
王傳數世至神宗時復西取東羅馬之小亞細亞名其地及
曰羅恩西里亞諸地疆宇益廓耶路撒冷者本耶蘇生地旣爲回族
所據耶蘇教人則大憤號召徒黨起兵謀收復稱曰十字軍
與回教人爭戰二百年迄不能得而土耳其亦自此稍弱元

海國輿地釋名

卷二

土耳其

三

太祖起西北游兵滅之然其種人有逃居小亞細亞道羅山
中者收集同族蹙起侵略小亞細亞地世祖至元十三年其
酋曰阿多曼據補撒城建國是爲今土耳其順帝至正十七
年侵東羅馬取加利城奪他大尼里海峽二十三年復取亞
得安城都之明太祖洪武中北略蒲加利亞塞爾維亞瓦拉
基諸地皆下之惠帝建文四年撒馬兒罕帖木兒來攻土人
與戰敗績王被虜國遂中替成祖永樂中王馬何美德善用
兵勢日強代宗景泰三年渡海西攻羅馬滅之遷都君士但
丁分全土爲數部以其酋曰巴札者分鎮之旣又北擊匈牙
利南并阿刺伯跨海臣屬非洲北境諸國幅員之廣幾與古
羅馬埒國初以來屢與俄羅斯構兵初尙勝負相當乾隆

中葉以後則每戰必蹙地坐是國日衰弱是時諸巴札各據地自專不奉朝命外藩亦次第叛道光元年希臘起兵叛土血戰七年卒自立為國九年俄發兵十五萬攻土進逼君士但丁英吉利奧斯馬加救之兵乃解咸豐三年俄以舟師渡黑海來攻英法連兵救之鏖戰二年餘俄兵屢挫於是有六年巴黎之盟與盟者凡六國英法奧普俄土耳其光緒三年俄人復來攻取羅美里亞四年英人連各國兵救之而自以兵艦馳入馬爾馬拉海說俄與土和於是又有柏林之盟與盟者凡七國英法德奧意俄土耳其是役也俄人迫土令北境三國得自主而自取阿達亨卡爾斯巴統三地於是奧亦取波斯尼亞及赫些哥維納二地英取居伯路島而以阿百尼亞歸之門的內哥以特塞利及伊

海國輿地釋名

卷二

土耳其

音

派勒斯二地干地阿一島歸之希臘

後土人不如約伊派勒斯及干地兩竟未歸希

土耳其歐洲舊疆至是蓋亡其三分之二焉十二年蒲加利亞及塞爾維亞構釁希臘乘閒侵土疆英德俄奧意勒兵沮之二十二年希臘復攻土大敗而歸土耳其由是能稍稍自振國分十五省

都城曰君士但丁

一作君士坦丁 一作軍斯但定 一作康思坦胎諾格爾 一作官士丹的諾伯

拉

一作康斯坦別奴魄耳 一作康司但丁奴不爾

一作

康斯坦但提挪伯 一作剛斯坦丁孛孛 一作剛斯

但

丁孛孛 一作根斯丹典 一作肯思丹 一作肯士

蒲爾一作公膽廷 一作根斯旦第拉但

希臘

一作西臘 一作希利尼 一作額利西 一作額力西 一作額里士 一作厄勒祭 一作厄肋西亞 一作

北力思 一作北叻思 一名斛瑟羅

緯線自赤道北三十六度三十分起至四十度止經線自京師偏西九十度起至九十四度止北境與土耳其牙錯東西南三面環海附近島嶼皆屬之南北距六百五十里東西距廣處七百餘里綜計爲方里者二十萬九千七百六十古希臘創建最早爲歐洲聲名文物之邦當夏后氏之世買諾

土耳其

人有渡海峽而西者

卽波斯福爾峽

始知有希臘廣土少康

二十六歲買諾人伯辣斯日始立國於希臘之北境曰西西

恩孔甲二十一歲迦南人

卽猶太

桔木始來經營希臘之南境

商王外壬十二祀埃及人灑哥落率其族來立國於雅典興制度造文字希臘開化自此始商周之際國分十二周敬王

海國輿地釋名 卷二

三

時波斯人大舉來伐諸國合從禦之波斯大敗而還馬基頓興以兵力脅服諸國復發兵攻波斯取小亞細亞旣而諸部皆據地自王勢日衰至漢景帝時滅於羅馬東晉孝武太元中羅馬分東西希臘屬東羅馬明代宗景泰中土耳其滅東羅馬希臘亦折入於土耳其其性殘酷虐待希臘人希人屢思叛土畏土強不敢發道光元年希人乘土有內亂遂叛土搆兵八年希人力不支乞援於俄羅斯於是俄人以精兵十萬人土境當是時英吉利法蘭西恐俄遂得志於土撓動歐東大局乃合兵抗俄明年英人法人迫俄與土和反土侵地並令土聽希臘立爲自主之國蓋希臘亡至是已二千年矣光緒三年俄人伐土耳其陰使希臘助已英法德尼之

希人竟不助俄及柏林定約希人索特塞利伊派勒斯二地
及干地阿島於土土人僅以特塞利及伊派勒斯歸之六年
各國重定前約以特塞利屬希臘而以伊派勒斯還屬土希
人頗缺望十二年希人侵伊派勒斯地各國不直希臘以戰
艦封禁希國海岸希人竟不能逞二十二年土耳其虐殺基
督教人買諾諸地及干地阿島相繼叛亂希臘乘勢起兵踞
干地阿島進攻土耳其英法德俄奧意止之不聽明年六國
遂以戰艦封塞干地阿島港口禁希船不得出入希人與土
相持數月連戰皆北乃遵各國約與土耳其和國勢大略分
三區北境之部五南境之部七西為約尼亞羣島置部七
都城曰雅典 一作亞典 一作鴉典 一名亞的架

海國輿地釋名

卷二

三

隸亞德納斯部南臨海灣

羅馬尼亞

作羅馬尼 一作羅美尼亞 一作魯梅宜 一作魯瑪尼亞 一作奴馬尼亞 一作綠馬尼

摩爾達維亞

一作摩爾達威 二作摩瑪達非亞 一作摩道 一作摩洛機 一作抹耳大未亞 一作末大味 一作毛達利 一作毛答斐噲 一作磨稻芽

一作謨大鼻

瓦拉基

一作襍拉幾亞 一作瓦拉支 一作瓦拉蝦 一作瓦拉兒 一作瓦來啟噲 一作注臘治 一作滑拉基 一作華刺幾 一作嘩喇喇 一作注勒機

緯線自赤道北四十三度五十分起至四十八度止經線自

京師偏西八十八度二分起至九十二度止北界奧斯馬加

東北界俄羅斯南抵多惱河與蒲加利亞為界東臨黑海西

界塞爾維亞南北距八百五十里東西距八百里綜計為方

里者四十三萬九千二百舊分摩爾達維亞 此部 瓦拉基 此部

南二部爲土耳其附庸光緒四年柏林定盟公立爲自主之

國益以土耳其之比薩拉比亞地既而俄羅斯以新得之多

布魯加地亦土耳其其地易之

都城曰不加勒斯多一作布卡力士特 一作皮開而立斯脫

作布嘎勒斯

摩爾達維亞舊都曰牙西今爲本國屬城頗繁盛 一作髻西 一作亞西 一作雅西

塞爾維亞一作塞爾維 一作賽爾亞 一作賽爾菲亞 一作賽爾維阿

作息味 一作菟斐啞 一作首肥亞 一作沙威阿 一作息比馬 一作晒味亞 一作色斐亞

緯線自赤道北四十二度十分起至四十四度三十分止經線自京師偏西九十二度起至九十五度四十分止北與西皆界奧斯馬加南界土耳其之羅美里亞省東界羅馬尼亞

海國輿地釋名 卷二 七

及蒲加利亞南北距四百五十里東西距七百餘里綜計爲

方里者十五萬六千六百六十舊地方十二萬八千九百四十里新益土耳其地方二萬

七千七百二十里 舊本歐東大國兼有蒲加利亞門的內哥波斯尼

亞諸部明太祖洪武中爲土耳其所滅後百數十年復自立

爲土耳其附庸光緒四年柏林定盟公立爲自主之國

都城曰百羅閣雷德一作別甲 一作別甲的 一作必耳格 一作特 一作字而爾雷格 一作古

盧德斯亞 一作比革拉德

蒲加利亞一作蒲加利 一作蒲加零 一作布加利亞 一作坡加利亞 一作布加喇亞 一作布牙里

作不牙 一作蒲克利亞 一作麻爾牙里 一作保該力 一作勃而忌里亞 一作布勒嘎利亞 一作布爾噶

一作佈耳加力阿 一作西里斯的黎亞

緯線自赤道北四十一度五十五分起至四十三度五十分

止經線自京師偏西八十七度二十分起至九十二度止北抵多惱河與羅馬尼亞爲界南阻巴幹山與土耳其之羅美里亞省爲界東臨黑海西界塞爾維亞南北距四百餘里東西距九百餘里綜計爲方里者四十六萬一千一百六十本土耳其屬部光緒四年柏林定盟公立爲半主之國國有大事須請命於俄羅斯蓋已隱屬於俄矣

都城曰梭斐亞

一作梭斐阿 一作所非

案羅塞蒲三國本土耳其所得東羅馬故地土人嘗置巴札治之迨土中衰巴札皆據地自擅久之遂納貢稱藩俄羅斯實擁護之土人無如何也光緒初俄將攻土馳告各國曰能以兵助我者戰勝當分以土耳其地俾得立國爲自主於是

海國輿地釋名

卷二

三

三國皆起兵助俄及柏林定盟皆如約

門的内哥

一作蒙的尼哥 一作門德內革羅 一作門第尼哥 一作滿得尼哥 一作莽得尼哥 一作悶吞藹竭鈴 一作曼體呢格樂 一名峩拉 一名黑山 一名黑坐義 一名黑所峩威尼 一名卡拉達

緯線自赤道北三十九度起至四十三度三十分止經線自京師偏西九十四度起至九十六度止東北界塞爾維亞西北界奧斯馬加南界希臘東界土耳其之羅美里亞省西臨亞得亞窄海地形狹長南北距八百五十里東西距不過二百里綜計爲方里者九萬四千有四其地居萬山之中土耳其以荒地棄之歷四百餘年生齒日繁道光時推舉酋長暨能自立土耳其屢攻之不能取也光緒四年柏林定盟公立爲自主小國割土耳其之阿百尼亞省益之其地大於舊壤

幾六倍然疆宇雖擴至今尙不能與各國通聘使故其名不著

都城曰薛天約 一作撒拉約 一作塞天葉

附阿百尼亞 一作阿耳伯匿阿 一作阿耳巴尼亞 一作阿勒伯尼亞 一作亞巴尼 一作啞吧呢亞

一作阿爾麻尼 一名日薩壹爾 一名亞刺萬 一名阿納武特勒

首城曰日尼那 一作藥翰尼拿 一作雅尼那 一作雅尼納

摩納哥 一作摩洛哥 一作摩那戈 一作穆那勾

國於意大利法蘭西兩國交界之間南臨地中海長廣不過數里自處局外與世無爭其酋姓格里馬登氏一姓相傳千有餘載國無租賦之人以地當海濱為商舶往來必經之道乃廣置園林亭館招游人聚博藉以取資以供國用

海國輿地釋名 卷二

无

安道耳 一作安多勒 一作安鐸拉

國於西班牙法蘭西交界山谷之中縱橫約二十餘里綜計僅八百方里當唐德宗時其酋從法蘭西王征回部有功錫以此土傳世至今為民主之國地分六邑有議院邑舉四人首領終於位則由議院別舉一人代之

盧森堡 一作盧森不爾厄 一作盧森蒲爾 一作盧森布厄 一作魯森堡 一作呂克桑布爾 一作勒心麥

一作勒生倍 一作陸生培克

西北與比利時所屬之盧森堡部毘連東北及正東界德意志南界法蘭西縱橫皆約百數十里本荷蘭別部嘗入日耳曼列國公會同治二年各國在倫敦立約以其國為局外之地無論何國用兵皆不得侵其疆界九年德與法有疆場之

事英特以兵保護之故至今爲半主之國

光石

一名列支敦士敦

在德意志所屬薩克索尼亞國南境之扼士嘎比阿嘎山中長六十里廣三十里爲方里者二百五十三嘗入日耳曼列國公會爵如侯今立爲自主小國

森馬林

一作三馬林諾

一作勝馬里虐

一作撒馬蘭

在意大利所屬馬雪士部西北界內縱橫僅得一百方里爲自主小國

摩爾奈

一作摩爾那

一作麻士別勒克

在德意志比利時兩國交界之間長廣不過三四里其地產錫初僅有農人百餘家聚族而居耕耨之暇兼以開鑛爲業

海國輿地釋名

卷二

三

當嘉慶二十年拿破崙旣敗歐洲各國修好弭兵重整疆域普魯士及比利時荷蘭勘界至此見其土腴礦美咸思收入版圖彼此爭執歷久而議莫能定於是各國公約劃爲局外之地聽其自立而摩爾奈亦遂推立酋長生聚教訓居然成國矣